



Broj: 03-399-1/20
Sarajevo, 02.07.2020. godine

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
Ulica: Reisa Dž. Čauševića broj 1
71 000 Sarajevo

PREDMET: Odgovor na zastupničku inicijativu, dostavlja se

Dana 23.06.2020. godine Kantonalna javna ustanova za zaštićena prirodna područja je zaprimila dopis-Izjašnjenje na zastupničku inicijativu zastupnika u Skupštini Kantona Sarajevo Mirze Čelika /veza Vaš broj i datum: 01-04-20702-29/20 od 17.06.2020 godine/.

Zastupnička inicijativa je upućena prema Ministarstvu prostornog uređenja, građenja i zaštite okoliša Kantona Sarajevo i Kantonalnoj javnoj ustanovi za zaštićena prirodna područja a inicirano je da se hitno pristupi čišćenju parkovskog prostora i šetnica na području Općine Ilidža tačnije na prostoru Male aleje”.

U kontekstu gore predložene zastupničke inicijative, dostavljamo sljedeći:

O d g o v o r

Kantonalna javna ustanova za zaštićena prirodna područja (u daljem tekstu: Javna ustanova) shodno članu 3. Odluke o osnivanju Kantonalne javne ustanove za zaštićena prirodna područja (“Sl. novine Kantona Sarajevo”, broj 31/17) pored Spomenika prirode “Skakavac”, Zaštićenog pejzaža “Bijambare”, Zaštićenog pejzaža “Trebević” i Zaštićenog pejzaža “Bentbaša” upravlja i područjem Spomenika prirode “Vrelo Bosne”. Primarna djelatnost Javne ustanove je zaštita, održavanje i promocija zaštićenih područja i drugih zaštićenih prirodnih vrijednosti u cilju zaštite i očuvanja izvornosti prirode, osiguravanja nesmetanog odvijanja prirodnih procesa i održivog korištenja prirodnih dobara, te nadzora nad provođenjem uslova i mjera zaštite na području na kome upravlja shodno odredbama Zakona o zaštiti prirode („Službene novine Federacije BiH“, broj 66/13).

Uvidom u odredbe Zakona o proglašenju Spomenika prirode „Vrelo Bosne“ („Sl. novine Kantona Sarajevo“, broj 6/10- Prečišćeni tekst), te opis granica obuhvata i zona zaštite, konstatuje se da se Mala aleja ne nalazi u obuhvatu Spomenika prirode „Vrelo Bosne“, te Javna ustanova nije nadležna za čišćenje parkovskog prostora i šetnica na prostoru Male aleje.

Održavanje čistoće na javnim površinama u Kantonu Sarajevo uređeno je Zakonom o komunalnoj čistoći Kantona Sarajevo ("Sl. novine Kantona Sarajevo", br. 14/16, 43/16, 19/17, 20/18 i 22/19) i Zakonom o komunalnim djelatnostima u Kantonu Sarajevo ("Sl. novine Kantona Sarajevo", br. 14/16, 43/16, 19/17, 20/18 i 22/19).

Nadzor nad provođenjem odredbi pomenutih zakona provodi Ministarstvo komunalne privrede i infrastrukture Kantona Sarajevo, a poslove komunalne čistoće vrše komunalna preduzeća registrovana za obavljanje djelatnosti čišćenja i održavanja zelenih površina.

S poštovanjem,



DIREKTOR

mr. sci. Osman Delić

Dostaviti:

1. Naslovu
2. Ministarstvu prostornog uređenja, građenja i zaštite okoliša Kantona Sarajevo, *kao informacija*
2. Arhivi Javne ustanove